

中國方志叢書·華北地方·第六十一號

據

民國丁世平等修尚慶翰等纂
民國二十五年鉛印本

影印

山東省

續平度縣志

(一)

成文出版社印行



10107699

中國方志叢書·華北地方·第六十一號


據 民國丁世平等修尚慶翰等纂
民國二十五年鉛印本 影印

山東省

續平度縣志

(二)

成文出版社印行



10107700

中華民國五十七年三月壹一版

續平度縣志

全二冊

定價：新台幣七二〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**正大印製廠**

三重市長生街二號之一

版權所有

內政部登記證內版臺業字第一一四七號

典誌巨觀

張驤伍題



平度縣續志

序

余去平度又數月矣憶在東剿匪之時適值平度續修縣志委員會成立聘尙君屏山李君麗生崔君祝平董其事繼而委員陳君裕齋盧君連璧以局中款項支絀辦公不敷見告余乃捐廉以濟之及蒞任平度始得與局中諸君相見瞬經二載縣志脫稿尙君來函索序顧念曩在平度與修志諸君時相過從深知其於近百年來考證掌故采輯人文一善之微弗敢沒也一字之疑弗敢苟也遇有男婦之砥礪名節藝文之足資考鏡者尤兢兢致意若唯恐人之不知或知之而不詳焉然則茲編之出其能信今傳後無疑也其能感發興起使頑廉懦立油然勃然以致力於我國固有

之道德學術亦無疑也諸君用心之劬也如此余何敢以不文辭
爰綴數語俾志簡端

中華民國二十五年丙子冬十二月行政督察專員張驥伍序於
牟平公署

序

縣有志書猶國之有史也蓋志所載政治風俗之嬗變人事文物之隆替以及忠義孝友篤行文學皆所以秉先哲而昭來茲者也余于民國二十三年秋攝篆平度下車伊始奉令督修縣志遵卽籌定經費設立志局延聘地方士紳耆宿組織編纂委員會分任其事未及告竣越年奉命調署章邱現總纂尙君屏山以編纂完成擬付剞劂函寄稿本請余爲序余戎馬半生簿書鞅掌自愧翰墨久疏無以爲應繼思尙君期年之間殫思構慮能將近百年斷續之事旁搜博採彙成鉅編未便忽置披覽之餘不特體例詳備綱目明晰而意在善善從長保存文獻尤令余感羨不已也且平度州志修自清道光二十九年已將百載中間迭經重修未能完

成付梓歷次稿本散亂殘缺其幸而未盡湮者端賴王君崧翰草
稿之存今尙君及編輯同仁搜集而修整之洋洋萬言彙成巨觀
庶幾一邑文獻藉此長存後人覽之亦得有所依據而徵信也

中華民國二十五年丙子冬十二月前平度縣縣長夏邑丁世平
序於章邱官廨

序

學人稱紀載之書或統言曰史乘史國史乘卽邑志非古所謂晉之乘也志之體例有與國史同者有與國史異者然欲求志書之完善非深通史法具才學識三者之長則其書雖成亦不爲識者所推重以是古之志書如武功靈壽在今人雖有異論要不能不謂爲名著平度之志書余所見者惟道光志二十六年保令在任時所編纂前此康熙五年知州李世昌所修之志書板已久毀其書亦僅有存者光緒十九年三十一年省札飭修平度志要鄉土志並頒發條例二書成亦未經印行二十三年冬前縣長丁君濟岑奉省令招集各機關立續修縣志委員會延尙李崔三君分任編纂第五路民團指揮張公以局中經費不足復捐廉助之尙李

崔三君皆學有本源熟志乘之義法深知其難不肯苟且從事余蒞任後至十一月書成脫稿屬余弁數言於卷端余因序其事之緣起如此至於新志之體例綱目際時勢而與前志有異同與夫

編纂者用意之所在則閱者能自得之無待余之贅言也

中華民國二十五年丙子冬十二月平度縣縣長刁承襄撰

序

邑之有志久矣凡知政知學者夙重之志之要端有二曰修例曰義法而文字猶其後也條例顯而義法隱條例必因時勢而變易義法不能隨風氣爲轉移紀事貴乎翔實苦於紛錯不免疏舛名詞限於時代務求雅潔又失其真誠如實齋章氏之言縣署別設一志科以預儲他日修志者之資料而久之司守者非人勢必歸於腐爛破殘卽幸而保存弗失整理編輯仍須知學能文者爲之不然則是簿記也非志書也甚矣其難也民國七年邑之官紳有議修縣志之舉當時耆舊猶有在者掌故考校尙易爲力卒以同人意見不合而止去今又十餘年矣猥以衰軀當茲重任師資既失就正無從幸賴李崔二君同志同學不吝啓迪共負其艱以底

於成而耿耿此心終有所願未遂之憾尙望閱是書者之匡我不逮也

中華民國二十五年丙子冬十二月邑人尙慶翰謹序

平度志要序

山東通志自雍正七年輯至乾隆元年告成已閱一百五十餘年及今不輯恐傳聞異辭考信愈難茲奉札飭於光緒十六年承天子命下直省直省下州縣開局重修並發舉要十二條諭將地方一切事宜案條薈萃毋濫毋遺以憑采入通志勒爲成書以貢于朝以備掌故以考民物盛衰以驗政治得失煌煌乎鉅典也爾延忝蒞膠東才疏學淺深懼難膺斯任案明史藝文志郭維洲平度志二卷又明州人官一夔平度志序舊志斷爛僅存十無一二正德丙子郡守上谷孫公器之搜訪遺編授夔考究裒輯彙爲二十四條志將成孫公以移守去逮今二十餘年所靜庵郭公下車講求文獻復自校讎及續所當書者皆備郭名維淵字孔瀾河間進

士明史作洲誤是明已有兩志惜俱未見也康熙四年知州李世昌志今舊志也道光二十六年知州保忠志掖人李圖秉筆今前志也舊志歸簡明前志騁詞華時越四紀凡事既須依次登列譌佚尤當補正今謹遵十二條目且博訪方聞續學之士蒐輯考證不敢云無遺也不敢少有濫也不敢違其實也不敢驚其華也日於政暇潛心校閱惟期紀往蹟而貽來茲名曰平度志要庶以備通志之采取云爾

光緒十有九年太歲在癸巳秋七月哉生明日定陶縣知縣署平度州知州合肥陳爾延謹序

總目

序

附志要序

卷首

委員會委員纂修姓氏

例言

輿圖

縣境經緯度及冬夏至晝夜時刻

紀要

疆域志

卷一

沿革

山川

道里

卷二

鄉鎮

戶口

物產

風俗

卷三 宗教 金

政治志

卷四上 職官 選舉 封贈 廕襲

卷四下 議會 學堂畢業 典禮 學校舉堂附

卷五 廢舉

卷六 財政 兵防 兵匪之禍 槍會 剿匪

人物志

卷七 官師 官績 忠職 孝友

卷八 篤行 文學 藝術 外徙 流寓

卷九上 列女

卷九下 列女

民社志

卷十

農業

工商業

錢幣

物值

平糶

民衆團體

藝文志

卷十一

卷十二上

卷十二下

辨正附記

卷末